



KORPORATA ENERGETIKE E KOSOVËS sh.a.
KOSOVO ENERGY CORPORATION J.S.C.
KOSOVSKA ENERGETSKA KORPORACIJA d.d.

15-05-2025

Nr.

8252

PRISHTINË - A

Bazuar në nenin 8 të Ligjit të Punës, nenin 5 të Udhëzimit Administrativ nr. 01/2024 dhe Plotësim ndryshimit të UA 03/2024 për rregullimin e konkursit në sektorin publik, bazuar në Kodit e Punës nr. 804 të datës 28.01.2025 të KEK sh.a, si dhe nevojave emergjente të paraqitura për plotësimin e vendeve të lira të punës në Divizionin e Sherbimeve të Korporatës, UD Kryeshefi Ekzekutiv i KEK-ut më 15.05.2025 autorizon Drejtorin e Burimeve Njerëzore që të publikojë konkursin për pozitën e mëposhtme:

KONKURS

I. Titulli i pozitës:

Udhëheqës i Sektorit për Siguri fizike në DGJE

Institucioni:

Korporata Energjetike e Kosovës

Numri i referencës:

08-15.05.2025

Tipi Akt Emërimit të punës:

Sipas Ligjit të punës 03/L-1212, UA01/2024, plotësim ndryshimi të UA03/2025 dhe Kodit të Punës së KEK-ut

Titulli i mbikëqyrësit:

I raporton Menaxherit të Departamentit për Siguri Fizike.

Kohëzgjatja e kontratës:

1 (një) vjeçare me mundësi vazhdimi, ndërsa puna provuese 6 (gjashtë) muaj.

Koeficienti-paga:

700.00 Euro

Procedura e aplikimit:

I jashtëm

Numri i kërkuar:

1

Vendi i punës:

Korporata Energjetike e Kosovës (KEK sh.a.)

Detyrat dhe përgjegjësitë:

Bartësi i vendit të punës është përgjegjës për udhëheqjen dhe mbikëqyrjen e të gjitha aspekteve të sigurisë fizike në KEK, duke përfshirë mbrojtjen e personelit (përfshirë palët e treta brenda KEK-ut), pronës dhe informacionit. Do të sigurojë që të gjitha objektet, hapësirat dhe asetet e KEK-ut të mbrohen nga rreziqet e mundshme, duke udhëhequr ekupe sigurie dhe duke bashkëpunuar me autoritetet përkatëse për të garantuar një mjedis pune të sigurt. Përgjegjës për një mjedis të sigurt për stafin dhe palët e treta në KEK sh.a. Kërkon informata dhe raporte nga udhëheqësit e ndërrimeve për siguri fizike, si dhe u jep atyre udhëzime lidhur me çështjet e sigurisë sipas rrethanave dhe nevojës, për të parandaluar çdo rrezik të mundshëm për asetet dhe hapësirat e KEK-ut. Gjithashtu bashkëpunon ngushtë me udhëheqësin për monitorim në Qendrën Monitoruese dhe me Policinë e Kosovës.

Analizon rreziqet dhe rekomandon masa për të minimizuar kërcënimet e mundshme.

Mbikëqyrë punën e stafit të sigurisë, jep udhëzime për punë dhe sigurohet që të kenë trajnim të vazhdueshëm mbi sigurinë fizike.

Mbikëqyrë organizimin e orareve për rojet, përfshirë ndërrimet, rotacionin dhe mbulimin e mungesave, për të siguruar mbulimin e plotë të hapësirave dhe objekteve të KEK-ut.

Kontrollon funksionalitetin e pajisjeve të sigurisë si: kamerat e vëzhgimit, sistemet e alarmit, laurat, etj.

Sigurohet që të gjitha protokollet e sigurisë të zbatohen në përputhje me rregulloret e KEK-ut dhe ligjet në fuqi.

Sigurohet që të kryhen hetime për: incidente, aksidente, vjedhje, tentim vjedhje, avari të ndryshme, etj. dhe propozon masa për përmirësime në aspektin e sigurisë fizike.

Përgatit raporte të detajuara (muajore, vjetore, dhe të veçanta sipas rasteve) mbi ngjarjet e sigurisë dhe i paraqet te Menaxheri i Departamentit për Siguri Fizike.

Sipas obligimeve ligjore dhe sipas nevojës koordinohet me policinë, zjarrfikësit dhe institucionet tjera të sigurisë.

Duhet të ketë njohuri për legjislacionin që i përket fushës së sigurisë fizike.

Përgjegjës për mënyrën e komunikimit dhe informimit me kohë për çështjet që lidhen me sigurinë fizike

Përgjegjës për lëshimin e Leje Hyrjeve për palët e treta duke respektuar urdhëresat/rregulloret në fuqi

Në rast të çdo rreziku të mundshëm dhe me qëllim të parandalimit të aksidenteve/incidenteve obligohet të merr masa të menjëhershme për lokalizimin e zonave ku ka kërcënime

Kërkesat profesionale/Kualifikimet:

Përgatitje Universitare, së paku Shkollë e Lartë.

Përvojë udhëheqjeje të paktën 3 (tri) vite në fushën e sigurisë fizike.

Certifikatë për menaxher të sigurimit për shërbimet themelore, të lëshuar nga MPB.

Njohuri mbi sistemet e sigurisë dhe menaxhimin e rreziqeve. Njohuri mbi procedurat e sigurisë dhe reagimit ndaj rasteve emergjente.

Njohuri mbi ligjet dhe rregulloret që lidhen me sigurinë fizike dhe mbrojtjen e objekteve kritike.

Aftësi të mira komunikuese dhe të punës ekipore. Aftësi të shkëlqyera në udhëheqje, komunikim dhe zgjidhje të problemeve.

Njohuri të mira të MS Office (Word, Excel, etj). Aftësi për të punuar nën presion dhe për të marrë vendime të shpejta dhe efektive.

Aftësi për të përdorur pajisje dhe sisteme të ndryshme të sigurisë, si kamerat CCTV dhe sistemet e alarmit.

Preferohet njohja e gjuhës angleze.

Dokumentet qe duhet te dorëzohen si pjesë e aplikimit dhe mënyra e dorëzimit te tyre:

Gjatë aplikimit online, pas plotësimit të fushave me të dhënat personale të sakta dhe te plota, duhet të keni kujdes në pikat vijuese: Aplikacionin e shkarkuar nga web faqja e KEK-ut e plotësoni, pas plotësimit duhet të ngarkohet në formën e aplikimit online te vegëza: “Ngarko Aplikacionin e plotësuar” vetëm formën tonë që gjendet në web faqen e KEK-ut.

Dëshmia për kualifikimin tuaj: **Diplomën e fakultetit (shkollës së lartë, bachelorit apo masterit) dhe Certifikatën (licencën) për menaxher të sigurimit për shërbimet themelore të lëshuar nga MPB**, i skanoni ne një dokument të vetëm (formati .pdf ose .docx ose .doc, madhësia maksimale 5 MB) dhe i ngarkoni te vegëza “Ngarko dëshmitë e kualifikimit”

Dëshminë e përvojës se punës me Kontratën e punes ose Vërtetimin mbi përvojën e punës nga organi kompetent i skanoni ne një dokument të vetëm (formati .pdf ose .docx ose .doc, madhësia maksimale 5 MB) dhe i ngarkoni te vegëza “Ngarko dëshmitë për përvojë”. Nëse diploma është e fituar jashtë vendit, vërtetimin e nostrifikimit të diplomës se fituar apo aktin qe dëshmon se diploma e fituar është ne procedurë te nostrifikimit, me kusht që nostrifikimi i diplomës të dorëzohet deri në momentin e nënshkrimit të aktit për emërim në atë pozitë.

Mënyra e aplikimit

Aplikimi është online, ngarkoni dokumentet sipas kërkesave në konkurs. Aplikimi juaj është i kompletuar vetëm nëse e merrni e-mailin konfirmues. Për çdo paqartësi dhe për siguri në aplikim kontaktoni në numrin e telefonit: 038 501-401-2671, 045 355 111. Por mund të shkruani edhe në e-mailin (ofertapune@kek-energy.com) për të vërtetuar aplikimin tuaj (vetëm nëse nuk keni pranuar e-mailin konfirmues).

Njoftimi me rezultatin e konkursit publik

Kandidatët do të njoftohen individualisht me rezultatin e këtij konkursi duke e respektuar Udhëzimin Administrativ nr. 01/2024, plotësim ndryshimin e UA 03/2024 dhe Kodin e punës nr. 804 te datës 28.01.2025 për rregullimin e konkursit në sektorin publik.

Mënyra e vlerësimit të aplikantëve/kandidatëve:

Jetëpërshkrimi (CV) deri tridhjetë (30) pikë
Intervista vlerësohet deri shtatdhjetë (70) pikë

Në rast të pikëve të barabarta në fund të testimit (intervistës) dhe vlersimit të CV-së, përparësi do të kenë kandidatët nga komuna e Obiliqit dhe zonat tjera të rrezikuara konform ligjit nr. 05/l-044.

Për më shume informata për poziten e lartpërmendur vizitoni web-faqen: **www.kek-energy.com**, ikona ‘Shpallje’ dhe mund ta shkarkoni aplikacionin për pozitën qe aplikoni.

Vërejtje:

Gjatë aplikimit online, pas plotësimit të fushave me të dhënat personale të sakta dhe te plota, duhet të keni kujdes si në vijim: **Nëse nuk e deklaroni që anëtar i familjes së ngushtë ju punon në KEK, në cilëndo fazë që vërtetohet, aplikacionet e juaja do të refuzohen. Asnjë aplikacion dhe dokumentacion i dorëzuar pas afatit, nuk do të merret në shqyrtim nga Komisioni i Ankesave, ndërsa ato të mangëta ose që nuk janë në formatin e kërkuar më lartë do të refuzohen.** Kandidati i suksesshëm do të sistemohet në pozitën për të cilën ka aplikuar sipas kësaj shpalljeje dhe në afatin prej 3 (tri) viteve nga dita e kontratës së parë nuk ka të drejtë ri-sistemimi në vend tjetër të punës.

Kalendari i përafërt: brenda 25 ditësh vlersimi i CV-së dhe intervista me goje. Njoftimi final brenda 10 ditësh nëse nuk ka ankesa të cilat e pezullojnë afatin e paraparë sipas UA 01/2024, plotësim ndryshimi i UA 03/2024 dhe në bazë të Kodit të Punës nr. 804 te datës 28.01.2025.

Data e aplikimit deri më 30.05.2025 ora 24:00
Prishtinë, 15.05.2025

Divizioni i Burimeve Njerëzore

